

RHYBUDD o Benderfyniadau'r Cyfarfod o'r Pwyllgor Gwaith a gynhaliwyd yn Siambr y Cyngor, Swyddfeydd y Cyngor, Llangefni ar ddydd Llun, 19 Medi 2016

Cyhoeddir y Rhybudd hwn am 5:00pm ar ddydd Iau, 22 Medi, 2016. Rhaid cyflwyno unrhyw geisiadau i alw i mewn unrhyw benderfyniad i'r Prif Weithredwr erbyn dim hwyrach na 5:00pm ar ddydd Iau, 29 Medi, 2016. Daw'r penderfyniadau i rym (os na fydd yna gais dilys i'w galw i mewn) ar ddydd Gwener, 30 Medi, 2016.

Presennol: Y Cynghorwyr Richard Dew, Kenneth Hughes, Aled M Jones, H Eifion Jones, J Arwel Roberts, Alwyn Rowlands, Ieuan Williams (Cadeirydd)

Hefyd yn Bresennol: Y Cynghorwyr John Griffith, R. Meirion Jones, Victor Hughes, Llinos Medi Huws.

Ymddiheuriadau: Dim

(10:00 i 11:20 am)

RHIF YR EITEM A'R PWNC	3 Cofnodion D/B
PENDERFYNIAD	Penderfynwyd cadarnhau fel rhai cywir, gofnodion y cyfarfod diwethaf o'r Pwyllgor Gwaith a gynhaliwyd ar 18 Gorffennaf a'r cyfarfod arbennig a gynhaliwyd ar 25 Gorffennaf.
RHESWM AM Y PENDERFYNIAD	D/B
A OES MODD EI ALW I MEWN?	D/B

RHIF YR EITEM A'R PWNC	4 Cofnodion er gwybodaeth D/B
PENDERFYNIAD	Penderfynwyd nodi er gwybodaeth, gofnodion y cyfarfod o Bwyllgor Cyswllt y Sector Gwirfoddol a gynhaliwyd ar 8 Gorffennaf 2016.
RHESWM AM Y PENDERFYNIAD	D/B
A OES MODD EI ALW I MEWN?	D/B

RHIF YR EITEM A'R PWNC	5 Blaenraglen Waith y Pwyllgor Gwaith Adroddiad gan y Pennaeth Gwasanaethau Democrataidd
PENDERFYNIAD	Penderfynwyd cadarnhau Blaenraglen Waith y Pwyllgor Gwaith fel y'i diweddarwyd am y cyfnod rhwng Hydref 2016 a Mai 2017 yn amodol ar y ddau newid ychwanegol a amlinellwyd yn y cyfarfod.
RHESWM AM Y PENDERFYNIAD	Cryfhau atebolrwydd a threfniadau ar gyfer cynllunio ymlaen.
A OES MODD EI ALW I MEWN?	Ydi

RHIF YR EITEM A'R PWNC	6 Y Strategaeth Iaith Gymraeg Adroddiad gan y Prif Weithredwr Cynorthwyol (Partneriaethau, Cymuned a Gwella Gwasanaethau)
PENDERFYNIAD	Penderfynwyd argymhell i'r Cyngor Sir ei fod yn cymeradwyo'r Strategaeth Iaith Gymraeg (ddrafft) ar gyfer 2016-2021 ac yn rhoi'r awdurdod i'r swyddogion perthnasol, mewn ymgynghoriad gyda'r Aelod Portffolio i gwblhau unrhyw waith golygu pellach y bydd angen ei wneud efallai ar y strategaeth cyn ei chyflwyno i'r Cyngor.
RHESWM AM Y PENDERFYNIAD	Cydymffurfio gyda gofynion statudol.
A OES MODD EI ALW I MEWN?	Na – bydd y mater yn cael ei ystyried gan y Cyngor llawn

RHIF YR EITEM A'R PWNC	7 Cerdyn Sgorio Corfforaethol, Chwarter 1, 2016/17 Adroddiad gan y Pennaeth Trawsnewid Corfforaethol
PENDERFYNIAD	Penderfynwyd: <ul style="list-style-type: none"> nodi'r meysydd y mae'r Uwch Dîm Arweinyddiaeth yn eu rheoli i sicrhau gwelliannau i'r dyfodol fel a nodir ym mharagraffau 1.3.1 i 1.3.5 yr

	<p>adroddiad.</p> <ul style="list-style-type: none"> • Nodi'r mesurau lliniaru a amlinellir yn y paragraffau hynny.
RHESWM AM Y PENDERFYNIAD	Nodi meysydd yn y Cyngor sy'n tanberfformio
A OES MODD EI ALW I MEWN?	Ydi

RHIF YR EITEM A'R PWNC	8 Adroddiad Perfformiad Blynyddol 2015/16 Adroddiad gan y Pennaeth Trawsnewid Corfforaethol
PENDERFYNIAD	Penderfynwyd bod y fersiwn derfynol o'r Adroddiad Perfformiad Blynyddol ar gyfer 2015/16 yn cael ei chyhoeddi erbyn y dyddiad statudol ym mis Hydref a'i bod yn cael ei chwblhau i'r perwyl hwnnw gan y Swyddogion mewn ymgynghoraidd gyda'r Aelod Portffolio.
RHESWM AM Y PENDERFYNIAD	Cydymffurfio gyda gofynion statudol
A OES MODD EI ALW I MEWN?	Na – bydd y mater yn cael ei ystyried gan y Cyngor llawn

RHIF YR EITEM A'R PWNC	9 Cynllun Ariannol ar gyfer y Tymor Canol 2017/18 - 2019/20 Adroddiad gan y Pennaeth Swyddogaeth (Adnoddau) a'r Swyddog Adran 151
PENDERFYNIAD	Penderfynwyd nodi cynnwys y cynllun a chymeradwyo'r rhagdybiaethau a wnaed.
RHESWM AM Y PENDERFYNIAD	Cymeradwyo Cynllun Ariannol ar gyfer y Tymor Canol 2017/16 – 2019/20
A OES MODD EI ALW I MEWN?	Ydi

RHIF YR EITEM A'R PWNC	10 Adroddiad Monitro Cyllideb Refeniw 2016/17 – Chwarter 1 Adroddiad gan y Pennaeth Swyddogaeth (Adnoddau) a'r Swyddog Adran 151
PENDERFYNIAD	Penderfynwyd:

	<ul style="list-style-type: none"> • Nodi'r sefyllfa mewn perthynas â pherfformiad ariannol hyd yma • Bod unrhyw incwm dros ben o Ddatblygiadau Cynllunio Mawr yn cael ei drosglwyddo i gronfa wrth gefn glustnodedig ar ddiwedd y flwyddyn er mwyn cyllido cefnogaeth yr Awdurdod i ddatblygiadau mawr yn y dyfodol.
RHESWM AM Y PENDERFYNIAD	Monitro Cyllideb Refeniw 2016/17
A OES MODD EI ALW I MEWN?	Ydi

RHIF YR EITEM A'R PWNC	11 Adroddiad Monitro Cyllideb Gyfalaf 2016/17 – Chwarter 1 Adroddiad gan y Pennaeth Swyddogaeth (Adnoddau) a'r Swyddog Adran 151
PENDERFYNIAD	Penderfynwyd: <ul style="list-style-type: none"> • Nodi'r cynnydd o ran gwariant a derbynebion yn erbyn y gyllideb gyfalaf • Cymeradwyo'r newid yn y prosiect cyfalaf ar gyfer y cynllun rheoli gwastraff er mwyn prynu 'telehandler' a phont bwysu newydd
RHESWM AM Y PENDERFYNIAD	Monitro Cyllideb Gyfalaf 2016/17
A OES MODD EI ALW I MEWN?	Ydi

RHIF YR EITEM A'R PWNC	12 Adolygiad Rheoli Trysorlys 2015/16 Adroddiad gan y Pennaeth Swyddogaeth (Adnoddau) a'r Swyddog Adran 151
PENDERFYNIAD	Penderfynwyd: <ul style="list-style-type: none"> • Nodi y bydd y ffigyrau canlyniad yn yr adroddiad hwn yn parhau i fod yn rhai dros dro hyd nes bydd yr archwiliad o'r Datganiad Cyfrifon 2015/16 wedi ei gwblhau a'i lofnodi; adroddir fel sy'n

	<p>briodol ar unrhyw addasiadau arwyddocaol i'r ffigyrau sydd wedi eu cynnwys yn yr adroddiad hwn;</p> <ul style="list-style-type: none"> • Nodi'r dangosyddion pwylllog a thrysorlys dros dro ar gyfer 2015/16 yn yr adroddiad hwn; • Nodi'r adroddiad rheoli trysorlys blynyddol am 2015/16 a'i gyflwyno i'r Cyngor llawn heb unrhyw sylwadau.
RHESWM AM Y PENDERFYNIAD	Cydymffurfio gyda gofynion statudol
A OES MODD EI ALW I MEWN?	Na – bydd y mater yn cael ei ystyried gan y Cyngor llawn

RHIF YR EITEM A'R PWNC	13 Adroddiad Terfynol y Panel Canlyniad Sgrwtini: Rheoli Dyledion Adroddiad gan y Pennaeth Swyddogaeth (Adnoddau) a'r Swyddog Adran 151
PENDERFYNIAD	Penderfynwyd nodi cynnwys yr adroddiad.
RHESWM AM Y PENDERFYNIAD	Y diweddariad ar gynnydd y gofynnodd y Pwyllgor Gwaith amdano.
A OES MODD EI ALW I MEWN?	Ydi

RHIF YR EITEM A'R PWNC	14 Gwahodd Tendrau ar gyfer Gwasanaeth Gofal Cartref yn Ynys Môn Adroddiad gan y Pennaeth Gwasanaethau Oedolion
PENDERFYNIAD	<p>Penderfynwyd:</p> <ul style="list-style-type: none"> • Cefnogi'r broses i wahodd tendrau ar gyfer gofal cartref yn Ynys Môn yn seiliedig ar dair ardal gydag un darparwr craidd ym mhob ardal (sef Opsiwn 3 yn yr adroddiad). • Sicrhau bod contract newydd ar gyfer y rhaglen yn ei le erbyn mis Mai/Mehefin 2017. • Ymgysylltu gyda defnyddwyr gwasanaeth yn ystod y ddau fis nesaf er mwyn rhoi gwybod iddynt am y newidiadau.

	<ul style="list-style-type: none"> • Defnyddio'r cyfle i godi ymwybyddiaeth o'r opsiynau sydd ar gael i ddefnyddwyr gwasanaeth mewn perthynas â Thaliadau Uniongyrchol. • Defnyddio'r adborth i hysbysu'r opsiwn sydd ar gael fel rhan o'r broses Taliadau Uniongyrchol.
RHESWM AM Y PENDERFYNIAD	Gwahodd tendrau ar gyfer darparu gofal cartref yn Ynys Môn
A OES MODD EI ALW I MEWN?	Ydi

RHIF YR EITEM A'R PWNC	15 Moderneiddio Ysgolion - Bro Rhosyr a Bro Aberffraw Adroddiad gan y Pennaeth Dysgu
PENDERFYNIAD	<p>Penderfynwyd:</p> <ul style="list-style-type: none"> • Cymeradwyo'r cynigion gwreiddiol sef: • Cynnig peidio â chefnogi Ysgol Bodorgan (Bodorgan, Ynys Môn LL62 5AB), Ysgol Dwyrân (Dwyrân, Ynys Môn LL61 6AQ), Ysgol Niwbwrch (Niwbwrch, Ynys Môn LL61 6TE) ac Ysgol Llangaffo (Llangaffo, Ynys Môn LL60 6LT) sydd ar hyn o bryd yn cael eu cynnal gan Gyngor Sir Ynys Môn ac i sefydlu ysgol gynradd cyfrwng Cymraeg newydd dan reolaeth wirfoddol yr Eglwys yng Nghymru i'w chynnal gan Gyngor Sir Ynys Môn ar safle yn Niwbwrch ar dir ger Morawelon, Niwbwrch, LL61 6TH ar gyfer bechgyn a merched 3-11 oed. • i beidio â chefnogi Ysgol Parc y Bont (Llanddaniel, Ynys Môn LL60 6HB), sydd ar hyn o bryd yn cael ei chynnal gan Gyngor Sir Ynys Môn fel ysgol dan reolaeth wirfoddol yr Eglwys yng Nghymru ac i sefydlu ysgol gynradd gymunedol cyfrwng Cymraeg newydd i'w chynnal gan Gyngor Sir Ynys Môn ar safle Ysgol Parc y Bont ar gyfer bechgyn a merched 3-11 oed. Bydd Ysgol Brynsiencyn yn cael ei ffederaleiddio gydag ysgol arall.

	<ul style="list-style-type: none"> • Rhoi'r awdurdod i swyddogion barhau gyda'r broses i - <ul style="list-style-type: none"> • adeiladu ysgol gynradd newydd yn Niwbwrch (ar yr amod fod y safle'n addas); • addasu Ysgol Parc y Bont a newid ei statws ac • addasu Ysgol Brynsiencyn a'i ffederaleiddio hi gydag ysgol gynradd arall.
RHESWM AM Y PENDERFYNIAD	Symud ymlaen gyda'r rhaglen moderneiddio ysgolion ym Mro Rhosyr a Bro Aberffraw
A OES MODD EI ALW I MEWN?	Ydi

RHIF YR EITEM A'R PWNC	16 Partneriaeth Anghenion Dysgu Ychwanegol Ynys Môn a Gwynedd Adroddiad gan y Pennaeth Dysgu
PENDERFYNIAD	<p>Penderfynwyd:</p> <ul style="list-style-type: none"> • Mabwysiadu un Strategaeth Anghenion Dysgu Ychwanegol a Chynhwysiad Gyffredin ar gyfer Gwynedd ac Ynys Môn a fydd yn cyfarch anghenion y disgyblion a'r bobl ifanc mewn modd effeithiol ac effeithlon i fod yn weithredol erbyn Medi 2017. • Ymuno mewn partneriaeth ffurfiol efo Cyngor Gwynedd i weithredu'r Strategaeth a mabwysiadu'r drefn llywodraethu newydd y cyfeirir ati yn yr adroddiad hwn, a fydd yn disodli'r Cydbwyllgor Anghenion Addysgol Arbennig (CBAAA). • Dirprwyo'r hawl i'r Pennaeth Addysg mewn ymgynghoriad â Phennaeth Busnes y Cyngor a'r Pennaeth Adnoddau i gwblhau Cytundeb Ffurfiol gyda Chyngor Gwynedd ar gyfer y bartneriaeth. • Dirprwyo'r hawl i'r Pennaeth Addysg mewn ymgynghoriad â Phennaeth Busnes y Cyngor a'r Pennaeth Adnoddau i gwblhau Cytundeb/ memorandwm o ddealltwriaeth ar gyfer y cyfnod interim cyn arwyddo'r

	Cytundeb ffurfiol, fydd yn datgan ymrwymiad y ddau awdurdod i weithredu'r drefn newydd, ac yn caniatáu gwneud y gwaith sydd ei angen er mwyn cyrraedd y pwynt hwnnw.
RHESWM AM Y PENDERFYNIAD	Ymestyn sgôp a natur y bartneriaeth ADY a Chynhwysiad rhwng Ynys Môn a Gwynedd.
A OES MODD EI ALW I MEWN?	Ydi

RHIF YR EITEM A'R PWNC	17 Adolygu Polisi Hapchwarae'r Awdurdod Adroddiad gan y Pennaeth Gwasanaeth (Rheoleiddio a Datblygu Economaidd)
PENDERFYNIAD	Penderfynwyd derbyn yr adroddiad a chyflwyno'r Polisi Hapchwarae diwygiedig fel y cafodd ei gyflwyno, ar gyfer ei fabwysiadu gan y Cyngor Sir.
RHESWM AM Y PENDERFYNIAD	Adolygu'r Polisi Hapchwarae yn unol â'r gofynion statudol.
A OES MODD EI ALW I MEWN?	Na – bydd y mater yn cael ei ystyried gan y Cyngor llawn

RHIF YR EITEM A'R PWNC	18 Gweledigaeth Twf ar gyfer Economi Gogledd Cymru Adroddiad gan y Pennaeth Gwasanaeth (Rheoleiddio a Datblygu Economaidd)
PENDERFYNIAD	Penderfynwyd cymeradwyo'r strategaeth "Gweledigaeth Twf ar gyfer Economi Gogledd Cymru" a gynhyrchwyd gan Fwrdd Uchelgais Economaidd Gogledd Cymru (BUEGC) fel sail ar gyfer cychwyn trafodaethau gyda Llywodraeth y DU a Llywodraeth Cymru ynghylch Cais Twf ar gyfer y rhanbarth.
RHESWM AM Y PENDERFYNIAD	Cymeradwyo'r Weledigaeth Twf ar gyfer Economi Gogledd Cymru.
A OES MODD EI ALW I MEWN?	Ydi

RHIF YR EITEM A'R PWNC	19 Polisi Cydymffurfiaeth â Safonau Ansawdd Tai Cymru Adroddiad gan y Pennaeth Gwasanaeth (Tai)
PENDERFYNIAD	Penderfynwyd cymeradwyo'r drafft o'r Polisi Cydymffurfiaeth â Safon Ansawdd Tai Cymru (SATC).
RHESWM AM Y PENDERFYNIAD	Mabwysiadu Polisi Cydymffurfiaeth â SATC.
A OES MODD EI ALW I MEWN?	Ydi